



## Халқ депутатлари Иштихон туман Кенгашининг

### ҚАРОРИ

140704, Самарқанд вилояти, Иштихон тумани, Иштихон қўчаси, 4-йй, Тел/факс: 0(366) 629 11-54

2019 йил 19 декабр

№ 190-60

### Самарқанд вилояти Иштихон туманининг 2020 йилги маҳаллий бюджетини тасдиқлаш тўғрисида

Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Қонунига мувофиқ, 2020 йилдан бошлаб Халқ депутатлари Кенгашларини маҳаллий бюджетларни бошқаришда эркинликлар берилиб, солиқлар ва йигимлар бўйича ставкаларини белгилаш, маҳаллий бюджети харажатларини ҳудудий бюджет маблағлари тақсимловчилар кесимида тасдиқлаш ва уларнинг Кенгаш олдидаги ҳисобдорлигини белгилаш бўйича ваколатлари кенгайтирилди.

Мазкур Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Қонунининг 18-моддасига ҳамда 2020 йил учун Иштихон тумани бюджетини қабул қилиш бўйича Халқ депутатлари Иштихон тумани Кенгаши

### ҚАРОР ҚИЛАДИ:

1. Самарқанд вилояти Халқ депутатлари Кенгашининг “Самарқанд вилояти 2020 йилги маҳаллий бюджетини тасдиқлаш тўғрисида”ги қарорига асосан Иштихон тумани бюджетига Самарқанд вилояти бюджетидан ажратилган:

тартибга солувчи бюджетлараро трансферт 43 568 119,0 минг сўм миқдорида тасдиқланганлиги. Бунда, тартибга солувчи бюджетлараро трансфертлар миқдорини туман маҳаллий бюджети даромадлари прогнозининг ижросидан қатъий назар камайтиришга йўл қўйилмаслиги Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Қонунида белгилаб қўйилганлиги маълумот учун қабул қилинсин;

туман бюджетининг айланма касса маблағи 1405808,0 минг сўм миқдорда белгиланганлиги маълумот учун қабул қилинсин.

2. Халқ депутатлари Самарқанд вилоят Кенгаши қарорига асосан 2020 йилда:

а) Куйидаги солиқ турлари туман бюджетига тўлиқлигича ўтказиб берилади:

- жисмоний шахслардан олинадиган мол-мулк солиғи;
- жисмоний шахслардан олинадиган ер солиғи;
- жисмоний шахсларнинг мол-мулкини ижарага беришидан олинадиган йиллик даромадлари бўйича декларацияга асосан ҳамда якка тартибдаги тадбиркорлар томонидан тўланадиган даромад солиғи;
- сув ресурсларидан фойдаланганлик учун солиқ, бундан электр станциялари томонидан тўланадиган солиқ мустасно;
- курилиш материаллари бўйича ер қаъридан фойдаланганлик учун солиқ, бундан цемент хом ашёси ва цемент ишлаб чиқаришда фойдаланиладиган оҳактош мустасно;
- юридик шахслардан олинадиган мол-мулк солиғи;
- юридик шахслардан олинадиган ер солиғи;
- якуний истеъмолчиларга бензин, дизель ёқилғиси ва газ реализация қилишдаги акциз солиғи;
- Айланмадан солиқ;
- Конун хужжатларида белгиланган миқдорларда давлат активларини ижарага бериш ва хусусийлаштиришдан тушадиган даромадлар;
- Конун хужжатларида белгиланган миқдорларда Ўзбекистон Республикаси Давлат бюджетига ундириладиган бошқа йигимлар (божхона йигимларидан ташқари);
- Айрим товарларнинг чакана савдосига бериладиган ҳуқуқ учун ундириладиган йигим
- Автотранспорт воситаларини харид қилганлик учун уларни ички ишлар органларида рўйхатдан ўтказиш чоғида автотранспорт эгалари (фойдаланувчилари) томонидан тўланадиган йигимлар;
- Алкоголга акциз солиғи (шу жумладан пиво)

б) Куйидаги солиқ турлари ва бошқа тўловлар вилоятнинг вилоят бюджети ҳамда туман маҳаллий бюджети ўртасида тақсимланади:

- жисмоний шахслардан олинадиган даромад солиғидан тушумларнинг (жисмоний шахсларнинг мол-мулкини ижарага беришдан оладиган йиллик даромадлари бўйича декларацияга асосан тўланадиган ҳамда якка тартибдаги тадбиркорлар томонидан тўланадиган даромад солиғидан ташқари) 45 фоиз миқдорда туман бюджетига;

— фойда солигидан тушумларнинг (Ўзбекистон Республикаси Президенти қарори билан тасдиқланадиган рўхатга мувофиқ йирик солик тўловчилар, Ўзбекистон Республикасида доимий фаолият олиб борувчи муассаса орқали фаолият юритувчи Ўзбекистон Республикаси норезидентлари томонидан, шунингдек норезидентларнинг тўлов манбаида ушлаб қолинадиган даромадларидан тўланадиган фойда солигидан ташқари) 50 фоиз микдорда туман бюджетига.

Мобиль алоқа хизмати ва алкоголь махсулотлари, шу жумладан пиво учун акциз солигидан тушумлар тегишли равишда 2019 йил 1 июль ҳолатига кўра туман ахолисининг вилоят ахолисидаги улушкига мувофиқ ўтказиб берилиши маълумот учун қабул қилинсин.

3. 2020 йил учун туман бюджети даромадлар прогноз кўрсаткичлари 1-иловага мувофиқ тасдиқлансин.

4. Туман бюджетидан 2020 йилги ҳудудий бюджет маблағларини тақсимловчиларга ажратиладиган харажатларнинг умумий чекланган микдорлари 2-иловага мувофиқ тасдиқлансин.

5. 2020 йил учун туман бюджети захира жамгармаси ҳажми **1806776,0 минг сўм** микдорида белгилансин.

6. Туман ҳокимлиги:

ҳар чорак якуни билан кейинги чорак биринчи ойининг 25-санасига қадар расмий веб-сайтларга ўз тасарруфидаги бюджет ташкилотлари кесимида молиявий ҳисботларни ҳамда бошқа тегишли маълумотларни жойлаштиrsин;


-Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Конунининг 24-моддасига асосан тегишли равишда ҳудудий бюджет маблағлари тақсимловчиларнинг бюджет маблағларидан самарали фойдаланилиши ҳамда эришилган натижалар бўйича ҳисботларини Кенгашга киритилишини таъминласин.

-бюджет даромадлари ва харажатларининг кўрсаткичларини бажарилишини таъминлаш, солик базасини кенгайтириш ҳамда иқтисодий салоҳиятини ошириш юзасидан зарур чора-тадбирлар кўриш, бюджет маблағларидан мақсадли ва самарали фойдаланиши устидан қатъий назоратни ўрнатиши учун туман Кенгашига доимий равища маълумот киритиб борсин.

Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Конунида белгиланган айrim солиқлар ва тўлов ставкалари, солик солиш тартиблари ҳамда бошқа маълумотларни оммавий ахборот воситаларида ёритилишини таъминласин.

7. Мазкур қарор бажарилишини назорат қилиш халқ депутатлари туман Кенгашининг Маҳаллий бюджетни шакллантириш ва ижро этиш, иқтисодий ислоҳотларни амалга ошириш ва тадбиркорликни ривожлантириш масалалари доимий комиссияси ва туман ҳокимлиги зиммасига юклатилсин.

**Халқ депутатлари Иштихон  
туман Кенгashi раиси**



**Ш.Негматов**